



The Makuilongdi Express

Liangmai Daily Newspaper

“Mazibo niu ngamne”



Kajinghiu ga tadkiurabo SCO meet leng China gu Defence Minister, General Li India ga wangbo suiye

page 2



Manipur gu karai ga Minister phungkhaibo piu RV Mingthing Zengdiu mi de

page 2

Zengtung 1 Kajinghiu 2023, Nidwannai-Office Gaililong, Tamei. PO-Tamei, Tml. Dist. Manipur Vol.II. Issue 18 page 1

“Lungsabo niu kasha boga chunwi makge, chiudi maji boga chunwi ye”

1Corinthmai 12:7

Konsaram ga padbam bo chakhon-charaa: Government niu action tadkiu khaira Liangmai gu chaphom dungniu din mide

14th NLA niu Nagaland Municipal Act 2001 hai repeal kam mide

Liangmai Naga Katinah Ruangdi, Manipur -Eastern Zone niu majangjiu Agimanaibo madui hai tadkiu khaimi de



Kohima, kanah 29:



Kanglatongbi, kanah 30:

Liangmai katinah Ruangdi, Manipur- Eastern zone niu marangkhaijiu agimanaibo madui hai kanglatongbi ga tad ku khaimi de, Haibo rally hai Leilon Vaiphei mainiu Konsaram mai tu minlubo khatdi leimakhong police station ga chamai khangsia tu dap masha khaibibo tu suinimakbo madu khaijiu tad khaibo rally ye. Siga Eastern zone lam kabam bo Liangmai maipui phom khatdi youth club joujiu rally si wijiu tadkhia mide. rally tad mai dungniu vaiphei namdung niu konsaram mai tu minlubo khatdi JCB kam masha khaibo, sigasu two wheeler ruu mibo khatdi police niu pamou kaha maitu dapkhaibo ga jou mai mathiu tu minmilo khatdi kamaji bo si kamkhailo chiu jiu poster card thinjiu, senjiu tadkhai mide.

Imphal, kanah 29:

Konsaram khatdi Leilon Vaiphei ga kabuak jiu agi athoubo padbo gasu chamai 30 sanjiu ajam jiu bam mide siga chamai 2 si ajam mathiu mide.

Liangmai gu chaphom sum - Liangmai Naga Katimai Ruangdi, Manipur(LNKR-M), Eastern Liangmai Naga chief & Chairman Association (ELNCCA) khatdi Ahangrok Chief & chariman Association (ACCA) niu JCB excavator khatdi paphi nia gari kam masa bo ga joubo mai siga su konsaram maitu kam ajam khaibi mai mathiu tu state government niu minlo chiujiu khengh khai mide.

Siga ELNCCA khatdi ACCA niu leilon vaiphei mai khatdi leimakhong police gu teinam kasha bo tu suinimakbo madujiu sibo kasha bo ngam kambo ga joumai tu min mira

khatdi police officer dung konsaram mai tu dapbo ga joumai tu suspend kammilo tiujiu tanjiu state government khuga din mide. siga government niu paliu niu din bo suikhai mak sai aliugu democratic rights khatdi agitattion haisi tadkiurabo we chiu ELNCCA nai ACCa niu taanjiu dinkhai mide.

LNKR-M niu dinsan khaijiu pamou kaha maitu adap jiu kam masa khaibo ga police dung di jou bo we sijengniu sibo police station gu Officer in-charge thiubambo khatdi leimakhong Police station ga kabam bo police personal kasia tu suspend kammilo chiu Chief Minister khuga din khai mide .khatdi Konsaram mai gu kamajibo se sikhai lujiu majibo ladjan thiukhailo chiujiu chief minister khuga LNKR-M niu din khai mide.

- source NNN

Aadhar gasu MGNREGS gu rangkang pimi raleng pawan si Centre niu khaisan lan lak mi sune

NewDelhi, kanah 30:

Government niu thaikum Chabamhiu 30 bonai MGNREGS gu changam kam mai dungleng Aadhar-based payment System(ABPS) hai karehiu 1 ga compulsory mira dinpad bo si ,pawang si khaisan khaijiu kanahiu 31 katang leng pikhai mibo we.



Ministry of Rural Development (MoRD) gu champou niu dinbo kumsai Government niu pawan si khai lan lak mi sune.

page 2

Nagaland Legislative Assembly niu machanai Nagaland Municipal act 2001 haisi lu ta mira leng makhiam lujiu suikhai mide. chiujiu NMA 2001 haisi repeal thiukhai mibo kum Nagaland ga ULBs election tadkiura dinpad mibo si Act kasan taliu lanlu mak then tadkiu silak mi sune.

Nagaland Municipal act 2001 haisi Municipal councils khatdi Town council haisi pabam pakahi sai suiuiu kam palang palang thiukhaibo we, chiujiu 2006 ga sibo act ga khaisan khaijiu npuimai leng 33% chabam pira 74th amendment gasu khaibo we sigasu 2016 gasu municipal areas ga kadi nai chaky gu tax haisi khaisan lan bowe.

NMA 2001 hai si taliu kali khaira Nagaland gu tamtambo CSOs dung niu khengjiu ULBs election hai takiu silak jiu pating thengjiu wangmibo wesikumjiu thaikum gu ULBs election haisi di tadkiu ra EC niu din madupadbo ga Chaphom kakengniu NMA 2001 si kam kali khaimak sai dibo electio ga joulak ge chiujiu suinimakbo kengjiu di mibo we. Siga Urban Local Bodies taliura leng tajai si mathiu leng wirabo ga taliu khaijiu election se sibo tajai hang gasutadkiu luraleng kamra pageng bam me chiujiu NMA 2001 hai 14th NLA niu repeal thiukhaibo.

-source NP

Chalad N-bung

Fasting: -Kalum riboga sukthubo situ "Maliangkhenh" chiwjiu kuwe.

ONE DAY SEMINAR ON CAREER CHOICE
 Organized by Liangmai Naga Katimai Ruangdi, Manipur
 Date: 3rd April, 2023
 Venue: LNBA-M Centre Church Namrainning.
 Time: 1:00 pm

Panelists:

M.L. Kisinghou
 Additional Superintendent of Police
 NHA, Seapati

Diana Manna
 Manager, Bank of Baroda

Liangmai Orthography

1.9. TONE (CHAKHON KAKUU-KANAH)

Pahang ga Example kasia pikhai bamme.

High Tone

“chamii ‘meat’, maraa ‘scream’ chalii ‘tongue’, sangg ‘thousand’ khengg ‘ask’ agaa ‘my chest’, bunggg ‘box’ tangg ‘reach’, mariuu ‘hungry’, chagii ‘shield’, raoo ‘back-bite’ chagaa ‘crab’.

Mid Tone

chami ‘marriage’, mara ‘sick’ chali ‘chali’, sang ‘dry’ kheng ‘tie’, aga ‘steal’ bung ‘bend’, tang ‘stick’, mariu ‘roam’ chagi ‘metal’ rao ‘write’

Low Tone

chamih ‘fire’ marah ‘touch’ chalih ‘pot’ sangh ‘dye’ khengh ‘bear’ agah ‘greedy’ bunggh ‘drill’ tangh ‘break’ mariuh ‘forest’ chagih ‘char-coal’ raoh ‘respect’ chagah ‘crab’.

Chakhon kakuu-kanah kam npekbo hai pawan machang thin mak ta di sui suye. Bible ga Tone Marker waju thin makge chiu di aliu ken lubamme. Pagu Context sai suiuiu chaladkeng gu paramba si silu buiye. Chiudi thin mak dao lak zingbo ga, thinmak sai kam tanok (Potential Confusion) bam rabo ga pari ga pikhai bambo zai thin khailo.

-to be contd.

Manipur gu karai ga Minister phungkhaibo piu RV Mingthing Zengdiu mi de

Ukhrul ,kanah 28:

RV Mingthing niu mennai chun paky lampheh gasu tingkum 92 lungkhiajiu zengdiu mide. Pahhai kajinghiu 20,1931 ga Kuirei nam gasu lungwangjiu, Chingai constituency gasu MLA leng kadakhaijiu 1989-1990 ga State gu Tribal Affairs and Sports Minister thiukhai bo we. Pahniu karai 1985-89 ga Hill Area Committee (HAC)gu Chairman di kamkhai ye. pahai UNC -United Naga Council gu founding member di ye.

-source UT.

Aadhar gasu MGNREGS gu rangkang pimi raleng pawan si Centre khaisan lan lak mi sune

-p 1

Changam kambo phom ,NREGA sangarsh Morcha niu MGNREGS workers gasu sibo payment system leng kabuibo si 50% di tangmkha ye sinu haibo programme si haibo kasan bo pathiak sinu kamkou mi suneh chiujiu kanambo tingmik si taliu khailan ra government khuga kheng mide.

Union Commerce and Industry gu Minister Piyush Goyal niu 2023 gu Foreign trade policy din madu khai mide



New delhi, kanah 31:

Union commerce, Industry and Textiles gu Minister Piyush Goyal niu Foreign Trade Policy 2023-28 hai New Delhi ga kanahhiu 31 bonai dinpad khaimide. Pahniu haibo policy lekhai jiu dinne, “Aliu maidiuu maida maniu changam kawi si phungpad lubui ye ,aliu kamsi nai aliu gu kangam bo bam me. Aliuniu wa kam san lu ra kangam bo bam me chiudi PM Modi niu hai hina si phuiluuiu aliugu export gu machun si kamtang khaira pageng bam me .Aliuniu 2030 ga exports lam su \$2 trillion haisi kamtang lura ye chiudi aliugu merchandise export sinu aliugu services exports songdi pi keng khai milak ge”.

Sibo Foreign Trade policy lepad khaibo ga Foreign Trade gu Director General Santosh kumar Sarangi niu India gu Exports hai 2015-16 ga \$435 billion bam niu bo gasu tuhoi 70% nkiu khangjiu 2022-23 ga \$760 Billion mide chiujiu dinne. chiujiu 2015-20 gu policy haisi covid-19 raren nai Europe gu kabuak bo sinu khaisan khaimibo we si je thainai loimide, khatdi thaikum gu exports si \$760 gasu nkiu khangjiu \$770 billion leng machun bam me, chiujiu pahniu dinsan khaiye.

Siga Commerce Secretary Sunil Barthwal niu di ‘Haibo policy clause haisi loiwang mi bam tadi kaloi bo pating hai bam lakge palamra haisi ammend kamlan jiu bamra ye. sinu India gu Exports ga naimik si kiumilak ge, chiu jiu dinne .Aliuniu 2030 leng \$2 trillion lam dinbam me chiujiu haibo policy haisi pi mawi khairabo we, chiujiu aliugu merchandis export khatdi services export tuhoi najiu bam bo gasu 7% -10% ga pi mawikhai khaira ye, tiujiu aliu niu ka karen bo ga mangiu khaijiu bam bam ra ye chiujiu pahniu dinsan khaiye.

-soucre The Hindu

***SUVs 150 khatdi Bullets hai siga thinra kaden loi mide..

***Katiu kasak ra pikhai ne

***Jirabo mania hina paron rona kaden raye

RoadShow hai kanjinghiu 13 -15 (Imphal- Tamei- Npiuluang- Tamenglong- Noney - Imphal) tiujiu tad ne.

Npiuluang ga Camp 2 nights bam ne.. Tad cham khai kasui hina tad khai ra ku khai ye.

Dr Alyson Abonmai (Intending Candidate MP Election 2024)

Kajinghiu ga tad kiurabo SCO meet leng China gu Defence Minister India ga wangbo suiye

New Delhi, Kanah 30:

China gu kasan bo Defence Minister, Genreal Li Sahngfu, paleng raithubo thiujui India ga kajinghiu lam wangsu. Line of Actual Control (LAC) lamga 2002 ga kabuak lubosai China gu kadibo charimai niu India ga wangrai thubo thusune. Genral Li hai state g Councillor di ye chiujiu pahniu Shanghai C o o r p e r a t t i o n Organisation (SCO) defeence Minister’s Meet kajinghiu ga tadkiubo rabo ga wang jou su.

Chiujiu India khatdi China namdi nia gu makhiam hai Defence Minister khangnia niu Genral Li wangbo ga tadkiu sune. Karai ga SCO defence Minister’ makhiam 2020 Moskow ga tadkiubo ga Rajnath Singh khatdi General Wei Fenghe niu adoukhai mibo we.

Genreal Li haisi Aerospace sector lamsu wangbo China gu defence Minister rong ga raithubo we, pahniu PLA’s gu mania wisankhangra taliubo department ga joukhaibo we. patu haisi China mainiu Russia gasu S-400 Missile defence system liubo ga U.S niu kadakhaibo we.

Mathen Cham

IPL 2023 hai kanahhiu 31 bonai hou mi sune



Ahmedabad, kanah 30:

Indian Premier league (IPL) 2023 gu rai kachang bo mathen hai 2022 ipl ga ngam mibo Gujarat Titans khatdi IPL title ngam luan 4 mibo Chennai Super kings hai Ahmedabad ga kanahhiu 31 bonai wangchak 7;30 pm ga mathen su ne.

IPL 2023 hai kanahhiu 31 ga houjiu Karamhiu 28 ga final mathen ra ye. 2023 gu ipl ga team 10 niu mathenjiu Team khat niu league match 14 mathen raye siga Home ga 7 khatdi away ga 7 chiujiu mathen kiuraye